

Inatsisartut Suleriaasianni § 37 naapertorlugu Naalackersuisunut apeqqute-qaatit imaattut saqqummiuppakka:

Apeqqutit

- Naalackersuisut pilersaaruteqarpat Tunumi aalisakkanik tunitsiveqarnikkut inerisaaqqinnissamut?
- Aalisakkanik tunitsivik maannakkut matoqqasoq Kuummiuniittoq ammar-teqqinniarlugu naalackersuisut qanoq iliuuseqarniannngillat? Arlaatigulluunniit kingu-mut RG-imut uterteqqinniarlugu qanoq iliortoqaqqinnianngila?
- Naalackersuisooqatigiilersut isumaqatigiissutaanni ilanngunneqarsimasoq **“Tunumi Tasiilap eqqaani Ittoqqortoormiunilu aalisarnermik inuusutissarsiteqarneq immikkut pilersarusiugaasumik siuarsarneqasaaq, aalisariuteqarnikkut tunitsiveqarnikkullu ineriartortitsiviusumik”** qaqugu pimoorullugu suliniutigineqalissava? Qaqugulu piviusunngortinniarneqassava?

(Inatsisartunut Ilaasortaq Laura Tàunâjik, Siumut)

Tungavilersuut:

Kuummiuni aalisakkanik tunisassiorfeqarnikkut ingerlatsisarnermi qangali KGH-qarallarnerata nalaaniilli maannakkumut piginnittuusarsimasut assigiinngitsut arlaliusimapput. Kuummiuni tunisassiorfik maannakkut piusoq Kalaallit aqukkallarmassuk ingerlalluarsimagaluarpoq, maannakkullu ukioq kingullerli matusimavoq, ammaqinnissaanullu pilersaarutit maannamut ilisimaneqaratik. Kuummiuni najugallit kisimi tunitsivigisisarsimannngilaat, aammali aalisartut nunaqaarfinni allaneersut tunitsivigisisarsimagaluarpaat.

Aamma Tunitsivik Sermiligaamiittoq qaleralinnik tunitsivigineqarluartarsimagaluartoq maannakkut ukiuni arlaqalersuni matoqqaannavissimavoq naparliinnarluni.

Ulloq: 25. februar 2015

Postboks 357

3900 Nuuk

Tlf.: +299 32 20 77

Fax: +299 32 23 19

Mail: siumut@siumut.gl

Web: <http://www.siumut.gl>

Tasiilap eqqaani nunaqarfinni tasiilamilu qanga saarullit nalaanni tarajorterviit ingerelanneqarsimagaluarput, maannakkullu tamakku atorneqarsinnaajunnaar-simallutik, soorunjami qanganissaanermit atorneqarsinnaajunnaavisimallutik.

Tunumi minnerunngitsumik Tasiilami eqqaanilu aalisarnikkut tunisassiorfeqar-nikkullu siuarsaanissaq ineriartortitsinissarlu anguniarneqartarsimagaluarput, qularnanngitsumilli saarullit tamakkarsimaarnerisa kingunerisaanik aammalu pissutsit aallat aporfiusartut pissutigalugit maannakkumut annertunerusumik angusaqarfiusarsimanani.

Ukiunili kingullerni saarullit takkukkaluttuinnarput aammalu qaleraleqarluartoq oqaatigineqartarluni, aammalu Tunumi misileraalluni aalisartitsisarnerit ingerlan-neqartarsimallutik, qularnanngitsumik aamma aalisagaqassutsimut paasissutis-sanik kateriffiureersimassallutik.

Tunumi suliffissaaleqineq annertuvoq, aalisarnikkullu aningaasarsiorfiusima-galuartut matoqqammata ullumikkut aningaasarsiorfiusinnaasutigut periarfissa-qaratik.

Neriuppunga Naalakkersuisooqatigiit isumaqatigiissutaat naapertorlugu Tunumi siuarsaanissat piaartumik aallartisarneqarsinnaajumaartut.

Piomasaaqatigaara apeqquteqaatima ullut suliffiusut 10 iluanni akineqarnissaat.